

T 9297/0446

30

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938



群書考索卷三十四

山堂先生章俊卿編
建陽知縣張玉刊行

○士門

專取士之科

國制取士之科多因隋晉然其大要有三由學館者曰生徒由州縣者曰鄉貢皆升于有司而進退之其科之目有秀才有明經有俊士有進士而又有明法明字明算者焉有一史有三史者焉有關元禮有直奉有童子者焉而明經之別有五經有三經有二經有學一經者焉有三禮有三傳有史料者焉此盛舉之常選也其天子自詔曰制舉所以待非常之才者也漢制凡舉有六曰國子指歸曰大舉曰四門學曰



群書考索卷三十四



山堂先生章俊卿編輯

建陽知縣區玉刊行

○士門

唐取士之科

哈佛大學漢和圖書館珍藏印

唐制取士之科多因隋舊然其大要有三由學館者曰生徒由州縣者

曰鄉貢皆升于有司而進退之其科之目有秀才有明經有俊士有進

士而又有明法明字明算者為有一史有三史者為有開元禮有道舉

有童子者為而明經之別有五經有三經有二經有學一經者為有三

禮有三傳有史料者為此歲舉之常選也其天子自詔曰制舉所以待

非常之才者也以上見選舉志凡學有六曰國子皆隸國子監曰大學曰四門學禮用

記四部立學之說於四門置學曰律學書學算學而其外之州縣則又自有學凡館有

二曰洪文館曰崇文館而崇文館每歲仲冬州縣館監舉諸生之成者

而送之于尚書省此之謂由學館之生徒也不由館學者皆懷牒而自
列于州縣州縣試已則會之以鄉飲酒之禮歌鹿鳴之詩送于攷功而
復試之此之謂州縣之鄉貢也所謂制舉者蓋自有司常選之外天子
又自詔四方德行才能文學之士或高蹈幽隱與其不能自達者下至
軍謀將畧翹關拔山絕藝奇伎莫不兼取其為名目隨其人主一時所
欲而列為定科如賢良方正直言極諫博通墳典達於教化軍謀宏遠
堪任將率詳明政術可以理人之類其名最著其所以待之之禮甚優
而宏材偉論非常之人亦時出於其間此之謂天子自詔之科舉也三
者大畧如此而士之進取之方與上之好惡所以育材養士招來獎進
之意有司選士之法因時損益又各不同如小學

高祖詔宗室功臣子孫就秘書外省別為小學

如州縣學則始於**高祖**之時

於門下別置有主員詳見制度門

崇文館

東宮置亦有生員**正觀**十三年置

則置於太宗之世至於有所謂崇元學

開元二十五年置習莊老諸子

有所謂廣文館

天寶九年置於國學以領生徒為進士者

則又**明皇**之所增也鄉貢之法至**天寶**而暫廢

自**開元**七年帝注老子成詔貢舉人減論語尚書而加試老子則創

崇元學之意已兆於此**天寶**二年改為通道學

蓋欲盡田於學館也明經進士或與孝廉而並行蓋從揚館之請也法

制之沿革大畧如此而其諸科所試之業又有可言者如明經則有大

經禮記春秋中經毛詩周禮小經易書公之別如史料則有史記漢書三國

志之別於書則有石經說文字林之辨於算則有孫子五曹九章海島

周髀五經算及綴術緝古記遺之數秀才之試方畧進士之試時務所

以策其才也明經之帖文童子之誦文與夫書學之口試墨義所以驗

其記也經史三傳諸科又各問其大義或百條或五十條者又所以審其識也此其所習之業大槩如此然周禮儀禮在所習也而有所謂開元禮者果何為乎尚書論語所當習也而開元之道舉即崇元學中所習老莊故號之道舉

乃易之以老子果何為乎進士之科試以策矣

試時務策五道

自高宗從劉思立之言始於策之外復加以雜文

加雜文二篇通文律者然後試策

進文之科試以詩賦矣至德宗時用趙贊之言

時贊為中書舍人權知貢舉

或罷詩賦而易之以箴論表贊是果合於古乎故劉思立言於前曰明經多抄義條進士惟誦舊策

高宗永隆三年時思立為考功員外郎

楊綰言於後曰

代宗寶應二年時綰為禮部侍郎

進士皆誦當代之文而不通經史明經者但記帖括至李栖筠等之議亦以經學者以帖字為精通不窮旨義考文者以聲病為是非豈知後風易俗之化亦可以見當時所趨矣是以鄭覃

文宗時以經術位宰相

深嫉進士之浮薄請罷之而李德裕武宗時宰相遂一切而欲廢之此又忿

激不平之論也然大抵唐諸科之目進士尤貴其得人亦最盛焉

進士科當唐之晚節尤為浮薄世所患之

如杜牧白居易楊綰顏真卿韋貫之裴洵皆舉進士第者也歐陽公唐選舉志曰方其取以詞章類若浮文而少實及其臨事設施奮其事業隱然為國名臣者不可勝數遂使時君篤意以謂莫此之尚及其後世俗益踰薄上下交疑因以謂按其聲病可以為有司之責舍是則汗漫無所守遂不復能易嗚呼乃知三代鄉里德行之舉非至治之隆莫能行也

大司徒以鄉三物教萬民而賓興之閭胥書其敬敏任恤族師書其孝
弟睦姻有學者黨正州長則書其德行道藝鄉大夫三年大比則興賢
者能者以禮禮賓之鄉者鄉大夫獻賢能之書于王王拜而受之登于
天府內史貳之此古之制也漢世取士策于天子曰賢良方正察於州
郡者曰孝廉茂材升於學校者曰博士弟子以至書疏論事吏稱其職
公府辟召亦皆得以自奮於其間大則取其行次則取其學又次則取
其言又次則取其能質其科目以籠天下之材遣詣丞相府書行藝年
郡食其家貧落溥縣中謂之狂生韓信家貧無行不得推擇為吏陳楊
乞貸無節不為州里所稱故能自持於鄉里者然後州縣拔為幹佐曹
吏能自立於州縣者然後五府辟為曹掾能自効於五府者然後為朝
廷選用此猶有古人考行之遺意如晁錯董仲舒公孫洪魏相則以賢
良對策舉如路溫舒王吉鮑宣蓋寬饒則以孝廉舉蕭望之康衡貢禹
兒寬則以明經舉主父偃徐樂嚴安則以上書進武帝之詔有令州郡

察其民有茂材異等可為將相及使絕域者是舉茂材者也公孫洪
令有太常擇儀狀端正者補博士弟子通一藝以上補左右內史是舉
弟子者也。漢光武以科目取士順帝時左雄有察舉之法限以四
十儒者試經學文吏試章奏於是得陳蕃李膺之徒魏陳群有九品中
正之法及其弊也惟知閥閱非復辨其賢愚故劉毅云下品無高門上
品無寒士至隋開皇而罷於是而始有進士之科至唐取士之科大要
有三學館曰生徒由州縣者曰鄉貢而天子之有詔者則曰制舉如師
德之薦狄仁傑韓愈之排佛老李絳之直道進退陸贄之論諫皆由進
士者也張九齡以道侔伊呂進韓休以文經邦國進姜公輔以直言極
諫進元稹以才識兼茂進此由制舉得者也何蕃持節守正而六館之
士遂不從亂則學館之所得者益可知矣然而唐得人盛尤盛於進
士唐史臣曰方其取以文章類若浮文而少實及其臨事設施隱然為
國名臣者不可勝數是有取於進士也其後楊綰雖力言進士之弊請
復孝廉之科而終不之勝鄭覃嫉進士之浮薄屢請罷去而卒之不聽

李德裕論進士不根藝實其議亦寢而不行。唐之世進士之科雖不
改而試者猶恨其一切取文藝而畧行實也。雖然張昌齡王公謹有時
名而王師旦惡其浮薄不書以第。盧照隣駱賓王文章為冠。裴行儉謂
其浮躁抑之使不進。是豈不足以厚士風乎。宋取士有賢良有宏詞
有進士數科皆之以得人。富公蘇文忠以制科進。蘇易楊文忠以宏詞
進。杜祁公范文正韓魏公歐陽公李文靖向文正皆由進士舉。其他名
臣可勝數。

學校

古者家有塾黨有庠遂有序國有學大司樂掌成均之法以治建國之
學政而合國之子弟焉。凡有道有德者使教焉。故曰樂德曰樂語曰樂
舞皆其教之畧也。大胥掌學士之版以待致諸子。春入學舍。采合舞秋
頒學合聲。以六樂之會正舞位。皆其教之節也。禮射於序則川長土之
飲酒于序則黨正主之。春秋時子產不毀鄉校則春秋猶未盡廢也。秦
人廢書坑儒則學絕矣。

漢高祖時叔孫通為奉常雖有諸子弟共習禮儀然未遑庠序之事。及
帝始廣遊學之路。武帝慨然上慕三代。公孫洪為學官悼道之久廢乃
請增置博士弟子員太常擇民儀狀端正者請著功令自此來公卿大
夫士吏彬彬多文學士之矣。東漢之興修造太學。明帝行三雍之禮
冠帶園橋門者億萬計而又別立學舍自勸門羽林之士悉通孝經。匈
奴亦遣子弟入學。此漢儒學之盛也。安和以來博士倚席不講而學舍
鞠為園蔬。唐制諸學有國子有太學有四門律學而京師州縣又皆有
學皆隸國子監而博士必為之分經教授。太宗增築學舍至千二百區
四方學者雲集京師四夷皆遣子入學。范祖禹作唐鑑亦云唐之儒學
惟正觀開元為盛。天寶以後學校益廢。至宋太祖當干戈甫定首幸國
子監。天聖中王沂公守青州請為州立學。仁宗時從其請而郡學之建
自此始。景祐濬鎮立學而駸駸益盛。慶曆三年不獨濬鎮而州府軍監
在立學矣。於斯時也師儒之官其精求審擇之意見於詔令有曰必取
文行學官講說神宗之時天下官悉自朝廷除授而天下之學愈重矣。

教化

司徒一職謂之教典而教法之施凡十有二自此間則使之相保相受
自州而鄉則使之相賙而相賓州長之教治政令則屬其民而讀法黨
正之政令教治則又屬民而讀法師氏掌詔王者也則教之三德教之
三行保氏掌諫王者也則教之以六藝教之以六儀而司諫則掌糾萬
民之德而勸之以朋友正其行而強以道藝此化之純被於天下而入
有士君子之行也秦人變古一切以勇力為尚其所以教民者非殺敵
獲首之事則戰爭鬪攘之法里則使相司而連坐家則使子弟而出贅
其相親相保之意將安在哉漢之文帝清淨寡慾躬行淵默專務以德
化民以道德為罷示朴以為先列於朝廷者如石奮之長者用於州縣
者如文翁之興學是以海內富庶興禮義自愛而重於犯法先行義而
後誼辱也孰謂教化為迂闊哉至於孝武急於用兵興師之事而何暇
教化孝宣區區於獄訟名實之間而何暇教化唐之太宗却封德彝刑
罰之說用魏證教化之論偃武修文力行仁義鞭背之刑不忍用也斷

右趾之法不敢存也是以家給人足歲終斷獄纔二十九人四夷酋長
皆襲衣冠坐享仁義之效孰謂教化為迂闊哉明皇狃於太平奢侈之
習初何心於教化憲宗奪於皇甫鏞拮刻之習而亦莫知所以教化矣
宋仁宗在位四十二年專以教化養育天下而生民何其幸歟

射

射之所起起自黃帝繫辭云古者揉木為弧剡木為矢弧矢之利以威
天下又世本云揮作弓夷牟作矢嘗黃帝之臣也是弓矢起於黃帝也
虞書曰侯以明之是射見於堯舜也夏商無文周則具矣故弓之別有
六司弓矢曰王弓弧弓以授射甲革楛質者夾弓庾弓以授射射侯鳥
獸者唐弓大弓以授學射者使者勞者矢之別有八司弓矢曰枉矢繫
矢利火射用諸守城車戰殺矢鏃矢用諸近射田獵矰矢箠矢用諸弋
射常矢痺矢用諸散射侯之別有三司裘曰王大射則共虎侯熊侯豹
侯諸侯則共能侯豹侯卿大夫則共麋侯皆設其鵠周制諸侯歲獻貢
士於天子天子試之射宮其容體比於禮其節比於樂而中多者得與

於祭數與於祭而君有慶益以地其容體不比於禮其節不比於樂而
 中少者不得與祭數不得於祭而君有責削以地是以諸侯君臣盡志
 於射以習禮樂天子將祭必先習射於澤宮澤者所以擇士也又曰射
 之為言者澤也澤者各澤已志也故心平體正持弓矢審固則射中矣
 射有三焉曰大射曰賓射曰燕射七無大射而有賓射燕射庶人無賓
 射燕射特有主皮之射而已司裘云虎侯熊侯豹侯此大射之侯也梓
 人所謂張皮侯而棲鵠則春以功是也射人以射法治射儀王射三侯
 五正諸侯射二侯三正卿大夫射一侯二正士射豹侯二正此賓射之
 侯也梓人所謂張獸侯以息燕是也大射之侯用虎熊豹麋之皮飾
 白質諸侯麋侯以赤質大夫布侯畫以虎豹士皮侯畫以麋豕此燕射
 之侯也梓人所謂張獸侯以息燕是也大射之侯用虎熊豹麋之皮飾
 其側而中又制皮以為鵠賓射之侯亦虎熊豹麋之皮飾其側而中畫
 五采以為正燕射之侯則畫能麋虎豹鹿豕之形以象鵠此三射之別
 也若天子諸侯之射則先行燕禮以明君臣之義卿大夫則先行鄉飲

之禮以明長幼之序夫三射者貴其容體比於禮其節合於樂故謂之
 禮射其樂天子以騶虞為節諸侯以貍首為節卿大夫以采蘋為節士
 以采芣為節騶虞者樂官備也貍首者樂會時也采蘋者樂循法度也
 采芣者樂不失職也故明乎其節之志以不失其事則功成而德行立
 無暴亂之禍而國家安故曰射者所以觀德也白虎通曰天子射百二
 十步諸侯九十步大夫七十步士五十步所以明尊者所服卑遠者所
 制近也通典曰按鄭元說射禮入嘉禮今按五帝三王之時天下萬國
 迭相征伐士之志藝以射為首是以開元中修五禮以射禮入軍禮焉
 古者天子之大射曰射侯者射為諸侯也射中則得為諸侯不中則不
 得為諸侯是以諸侯君臣盡志於射以習禮樂夫君臣習禮樂而以流
 亡者未之有也漢明帝則行大射禮於辟雍唐武德則行大射禮於武
 德殿正觀則行於觀德殿開元則賜百官於安福樓下自此遂廢矣
 宋朝淳化五年行大射詔有司講求典故自周官射禮及開元開寶禮
 斟酌損益為圖來上其儀之陳始如元會謁見已事武弁改服酒行有

補樂詩有節熊罴設侯金石在蓋賞物罰爵東陳西置衣裳冠冕制邦
尊卑表著埒位辨遠近威履儀縉瓌璨焜耀帝覽其圖庸極嘉嘆將俟
弭兵舉行其禮皇乎烝哉爰暨咸平光紹前烈講肄池上慨想古禮聖
聖心傳同出一揆此皆大射之禮也其外又有鄉射之禮主皮之射有
習武之射鄉大夫之職曰以鄉射之禮五物詢衆庶一曰和二曰容三
曰主皮四曰和容五曰興舞漢甘露石渠議黃門侍郎臨奏鄉射合樂
大射則否何也韋元成曰鄉人無樂故合之朝廷君臣故有樂矣時矣
為然此鄉射之禮也主皮之射有二一乃鄉大夫從君田獵班餘獲而
射書傳曰凡祭取餘獲陳於澤然後大夫相與射也鄭注鄉射云主皮
者無侯張獸皮而射之主於獲也二乃庶人主皮之射鄭注周禮云庶
人無侯張皮而射之是也此主皮之射也司弓矢曰孤矢以授射甲革
楛質者此習武之射也古者祈于帶弓韞生子垂桑弧其成童也教以
射其貢也試以射又有投壺之禮以習于射夫投壺之籌曰矢勝籌則
以馬贊其詩則以司射實其筭則以射中弦其詩則以射節之程首鼓

其節則以射鼓之半而釋筭數筭勝飲不勝皆與射節相類則投壺亦
其象也蓋兵凶戰危人情之所惡飲酒相樂人情之所欲先王因其所
欲而寓其所惡使其樂為之不憚則平日所習乃異日之所用也昔晉
侯與齊侯左昭十宴於投壺祭遵臨戎雅歌投壺然則投壺者又古人
所以習射者也其可忽哉

博洽上

博洽之士古今之所重也然其所以為博者則有不同焉如左史倚相
能讀三墳五典八索九丘而右史子革能誦祈昭之詩司馬遷自幼即
誦古文而又南游江淮上會稽探禹穴窺九疑浮沅湘講業齊魯之都
觀夫子遺風是以涉獵廣博貫穿經傳馳騁今古揚雄博覽無所不見
以為經莫大於易故作太元傳莫大於論語故作法言史篇莫善於蒼
頡故作訓纂箴莫善於虞箴賦莫深於離騷故反而廣之辭莫麗於相
如故作四賦班孟堅以為仲舒司馬遷劉向揚雄皆博物洽聞通達古
今又謂向雄博極群書非虛言也後漢周興博學洽聞而三墳五典無

所不覽謝該博通群藝周覽古今而孔融謂其卓然比跡前列

建安中樂詳條左氏疑滯數十事以問該皆為通解之名為謝氏釋
至於博學比稽古周弼比之武庫以為五經縱橫一時之傑則有若晉
之裴頠博綜典藉當時謂號為書淫而得武帝一車之書披閱不怠則
有若晉之皇甫謐博學多通為左氏經傳集解而自言有左傳之癖則
有若晉之杜預博極群書於文字禽獸草木尤稱精詳則有若梁之顏
協編覽經史人主問以大義及歷代史商較縱橫應答如響者梁之徐
摛也博學無所不見聚書至萬餘卷率多異本而五經笥之目虞世南
猶能道之者梁之任昉也淹貫古今號為書籠以文選之學講授諸生
者唐之李善也天資好學得集賢書讀之六年無所不通者唐之陽城
也天下之書無有不讀而一經目則弗忘文宗以為當代仲尼者唐之
王起也此皆博於學問者也漢武帝七書二篋惟張安世識之後求得
其書以相校無所遺矣後漢應奉九所經履莫不暗記錄囚徒數百手
入其罪繫姓名坐狀輕重無所遺脫王充闕市肆賣書一見輒能誦憶

苟悅每之入間所見篇讀一覽亦能誦記稱衡讀蔡邕碑一覽之餘書
之不差而所不能明者止於石缺二字楊脩與曹操讀曹娥碑先悟黃
絹壘田之句而謂有智無智校三十里魏王燦讀道旁碑而聞誦之頃
不失一字唐蕭穎士與李華陸據讀龍門道旁碑穎士即誦華九再閱
據三乃能盡記而聞者謂三入之才於此焉分若乃所談數百千條皆
王儉之所未覩而為儉之所歎服者非齊之陸澄乎該通群籍任昉劉
諷輩以祕閣四部之書問其所知自甲至丁各說一事且叙述作之體
莫見所遺非齊之何憲乎於學多所詣記湘東王以四部書目試之自
甲至丁卷中各對一事且及於作者姓名非梁之臧嚴乎暗寫漢書五
行志畧無遺脫非梁之陸倕乎答劉顯漢書十事之間無所疑滯非梁
之韋載乎博綜群書沈約任昉以下每有遺忘皆從訪問而能識格酒
之字知作譜之因記荷橐千里酒之事又非梁之劉杳乎元魏闕駟於
三史群言經目則誦之時人有宿讀之譽隋王劭之在齊時卷祖考證
等古事之問具論所出而取書驗之一無舛誤唐李邕謁李嶠求見秘

書未幾辭去而李嶠試問之際與篇隱帙了辯如響呂向即市閱書而
記問之敏至於能通古今韋述觀元行沖數車之書而於前世之事孰
復熟詳諦如指諸掌張巡讀書不過三復終身不亡而士卒居人一見
問其姓名後無不識唐德宗詢凌煙閣壁文之缺無能知者而蔣義以
為聖曆待臣圖贊口誦帝前不失一字遂使德宗歎息有虞世南默寫
列女傳不能過此之言古者又有策士之法梁沈約策以經史十事者
劉顯也而顯對其九梁湘東策以百事者張綰也而綰之對止缺其六
故有百六之目此皆博於記誦者也鄭子產答韓宣子黃熊之問而知
繇之化為黃熊答叔回實沈臺駘之問而知宋遷闕伯於商丘而主辰
遷實沈於大夏而王參晉蔡墨因龍見於絳而言豢龍御龍氏之源齊
內史因神降于莘而謂祝融禱杙鸞鷲應三代之興東晉論曲水而知
羽觴隨波金人奉劍之事此皆博於古事者也子夏問讀史記者有晉
師三豕渡河之誤而辨其為巳亥之字晉荀勗撰次汲冢竹書以為中
經而列之於秘書東晉觀汲冢之書而隨疑分釋皆有義證齊王僧虔

見楚豕簡書而知其為科斗書考工記周官所缺之文若夫議美陽之
鼎而識其為周室褒賜大臣與其子孫之刻銘先功者則漢之張敞也
觀缺簡而識其古文尚書所刪之逸篇觀古器而能讀其隱起之文無
有疑滯者梁之劉顯也於齊永明時而能辨襄陽竹簡古書為周宣之
前者江淹也於梁武帝時而能辨鄱陽王真本漢書之偽者劉之遴也
辨旬服黃鐘之銘則唐之鄭欽說也此皆博於古文者也晉昭子問少
皞官名於郊子告以黃道以來紀官之制後漢應劭博覽多聞著漢官
禮儀故事而朝廷制度多劭所立若無書不讀長於漢書舊典則蜀之
孟光也祖宗制度之儀指掌畫地舉手可采則蜀之胡潜也博物多識
聞無不對而能興造制度則魏之王粲也博究儒術而羊祐等分定禮
儀律令皆先諮而後施用則晉之鄭冲也練習朝議世相傳授並諳江
左舊事而為王氏青箱之學則晉之三彪也朝儀舊典晉宋以來故事
撰次諸憶無所遺漏理事之際斷決如流而自謂江左風流宰相若齊
謝安之比則有若齊之王儉焉博涉多通尤悉魏晉以來故事沈約謂

其諸博雖胡廣無以加則有若齊之范岫焉歷任三代該悉舊章博物
 洽聞當世取則有若梁之沈約焉博通經史多識前載王儉居職以後
 莫有逮者朝儀國典皆預圖議則有若梁之徐勉焉詳練故事自晉宋
 起君注亦能記誦梁武帝每訪前事即以所問隨機斷決而任昉則有
 讀誦之號則又有孔休源者焉以至元魏之鄧彥海明解制度多識故
 事唐之蘇瓌多識橐省舊章一朝詔策咸所刪正此皆傳於典故者也
 元魏崔浩總覈天人之際率其綱紀者數家多有應驗故其推發惑之
 失而知其入秦之分推三陰用兵之義而知蠕蠕之必克高允論漢元
 年十月五星聚東井而謂金水二星無因背日而行崔浩始雖不復及
 加攷究乃以前三月聚於東井果如允之所言此非博於天文者乎漢
 夏侯勝舉洪範傳厥罰常陰之證而霍光張安世益重經術之士梁丘
 賀筮旄頭劍墮之異而宣帝以其應加近幸之禮京房分六十四卦更
 直日用事以風雨寒溫為候而各有占驗此非博於陰陽卜筮者歟昔
 裴秀為禹貢地域圖其體有六而因地制宜以校險夷之異潘京辨武

陵郡名而知其改於漢光武之時齊崔慰祖答謝朓地理十餘事之
 問而酬據精悉兆遂有班馬復生無以過此之歎梁裴子野能知白題
 滑國之所自出唐李伯樂能知琅邪刈稻之所本以至唐許敬宗古長
 城之對昆明池之對帝丘濟水之對條陳不差買耽於天下地土山川
 必究知之故有隴西山南之圖洮湟甘涼之錄而海內華夷古今郡國
 亦莫不有圖宋劉敞使於蜀中亦能以松亭徑易之路質其譯者使之
 相顧駭愧此非博於地理歟

博洽下

季桓子得土羊之異而仲尼辨之以為憤羊夫差得骨節專車之異而
 仲尼辨之以為防風氏之節陳有隼貫楛夫之異而仲尼辨之以為肅
 謹之矢聖人之博物通理固非常人之所能及也然古之君子凡所謂
 博物亦豈無其人乎如管仲識俞兒為登山之神而謂霸王之君與介
 葛廬聞牛鳴而知其生三儀之驗展禽識海鳥為爰居而譏滅文仲之
 妄祀史趙以交有二首為絳縣老人之年而士文伯能知其數東方朔

識建章騶牙而知遠方之來歸終軍識豹文鼯鼠而為漢武之所賞二
言漢書無之晉寶笈亦識鼯鼠而據爾雅以荅世祖之問則亦可以為
博矣後漢賈逵證神雀以為降明之證

顯宗時有神雀五采帝以逵博物多識問之對曰宣帝威懷戎狄
神爵仍集此降之證也帝勅蘭臺給筆札使作神雀頌

魏王粲識舊佩而復為玉佩之法周廟歌器漢末不存而晉之杜預則
能創意造之當時朝野以其胷中無所不有而羨之以武庫之號若張
華之在晉則為尤博者焉華強記默識四海之內若指諸掌而又雅愛
典籍天下奇祕悉在其所由是博物洽聞世無與比武帝問漢宮制度
及建章千門萬戶則應對如流書地成圖時人比之子產而龍肉之異
則華能知之化知之驗則華能知之臨平石鼓槌之無聲者取於蜀桐
之扣豐城寶劍若龍泉太阿者得於紫氣之祥則又非華莫能識之以
荃指南車之轉於銅機歌器之合於魯廟者齊之祖冲也觀白鳥之獻
而知其敬宗廟之應者齊之范雲也論宗廟之儀尊而以齊尊之牛形

為古之遺制者梁之劉杳也識人日之名而用量勛荅問以明其說者
則若元魏之魏收荅太宗雉集之問而能知秦文公漢光武之祥則若
唐之褚遂良辨北虜之駭而誦山海經管子之書以曉之則若宋朝之
劉敞不特此也齊陸澄能十古器為服匿之名而知為單于與蘇武之
器唐元澹之能別辨銅器為晉阮咸之作此皆所謂博物者也後漢蔡
邕知夔桐之美而取以焦尾之琴聽鼓瑟之音而知其有殺心之兆晉
荀勗識趙之牛鐸而樂音杲諧識宮聲之鐸振於空地而得鍾以成衆
樂之和則唐李嗣真實能之見按樂之圖而辨其為霓裳之三疊則唐
王維實能之見岑陽言鍾而識其為姑洗之角則唐楊收實能之茲非
博於樂乎該論百氏皆通其諱則徐勉以知名於梁尤明姓系自魏晉
以降推本其來皆有條序則路敬淳以知名於唐通姓氏學世號肉譜
虞世南歎其可畏而羨之為人物志則又李守素之所以顯於唐者茲
非博於譜牒者乎如學天官於唐都受易於揚何習道論於黃子而為
六家要指之論則有若司馬談者焉積思經術畫誦書傳夜觀星宿著

新序說苑及洪範五行傳論則有若劉向者為講六藝傳記諸子詩賦
數術方伎無所不究而集六藝羣書別為七畧攷定律曆著三統曆譜
則有若劉歆者為後漢王景廣闕眾書又好天文術數之事深沉多藝
班固傳貫載藉九流百家之言無不通究延覽博通經傳百家之書有
名京師劉寬學歐陽尚書京易韓詩而星官風角筭曆皆究極師法號
為通儒樊英習京氏易兼明五經而風角筭曆河洛七緯推步災異義
其所善徐穉學嚴氏春秋京易歐書而風角筭曆河圖七緯亦所兼綜
兩漢儒者自經傳之外其他所習者如翟方進之好天文星曆蔡邕之
好數術天文鄭元之通三筭曆九章筭術任安之兼學圖讖申屠蟠之
兼明圖緯皆炳然可見者內繼朝政外供軍旅決斷如流賓客輻湊內
外諮稟自覽訴訟丰荅牋書耳行聽受口並醇應不相參陟悉皆瞻舉
則有若宋之劉穆之者為博覽經史陰陽百家之言精於天人之會自
朝廷禮儀策詔軍國書記無不關總而留心於制度科律長於謀計自
此張良而謂其稽古過之則莫若玉元魏之崔浩梁顧野王通觀經史

精記熟識而天文地理醫藥占候蟲豸奇字無所不通後周沈重學業
該博為世儒宗而陰陽圖緯無不通涉隋劉焯以儒學名貴為王鄭
所傳章句多所是非而九章等術周髀七耀推步日月之經量度山海
之術莫不窮其秘奧劉光伯於周禮等十三家之義並堪講授史子文
集嘉言美事咸誦於心天文律曆窮數微妙凡此皆於經傳百家號為
兼通而不以一藝自名者也

氏族

古者有姓有氏有族姓出於一而百世不可易者謂之姓別其族派
名取以為號者謂之氏合而言之曰派之所出者謂之族如齊本姜
姓則姜氏之正派者便是呂氏其他如申國許國之類雖同出於姜
姓而枝派却別後世姓氏淆亂俱失其從來今之姓方古之氏也
古者天子建國賜姓命氏姓氏所以別其族類之所出也自三代之
衰稱姓者以國或以族或以地或以官子孫各本於其祖不可改也
後世非有親者附之屬籍或加於盜賊夷虜以逆賊異類為同宗然

則古之賜姓者別之今之賜姓者亂之也夫為天親不可以人為而強欲同之豈循理乎上瀆其姓下忘其祖非先王之制不可為後世法也

裴駰注史記帝紀曰天子賜姓命氏諸侯命族族者氏之別名也姓者所以統繁百世使不別也氏者所以別子孫之所出也故世論篇言姓則在上言氏則在下古書所稱百姓皆謂百官蓋民無也也張說曰古未有姓自炎帝之妻黃帝之姬始因所生地而為之姓其後天子建國因生以賜姓黃帝二十五子而得姓者十四德同者姓同德異者漢左氏春秋傳言天子建德因生以賜姓胙之七命之氏諸侯以子為氏以謚為族堯賜伯禹姓曰姒氏曰有夏伯益姓曰姜氏曰有呂下及三代官有世功則有官族邑亦如之後世或氏於國則齊魯秦吳氏於謚則文武成宣氏於官則司馬司徒氏於爵則王孫公孫氏於字則孟孫叔氏於居則東郭北門氏於志則三烏五鹿氏於事則巫乙匠陶於是受姓命氏燦然衆矣枝分派別初若參錯徐而攷之有綱有條猶指

諸掌孟仲季臧同出於魯也穆伯子文游國豐邱同出於鄭也童父

向華蕩樂同出於宋也意諸父樂高崔國同出於齊也大歸父如陳伯

袁之後而為袁氏齊公子高之後為高氏衛公子衛孫之後為孫氏魯

閔子騫之後為騫氏是以美之字為氏也如文王封子聃叔於沈故其

後為沈氏晉穆叔封少子成師於韓故其後為韓氏晉獻公封畢萬於

魏故其後為魏氏越之後食於歐山之陽而為歐陽氏是皆以所封之

邑為氏也如黃帝之子能制弓矢為弓之長因為張氏周史佚也世守

其官因為史氏固平王少子有文在手曰武因為武氏金日碑以獲匈

奴祭天金人因以為金氏是皆以一時之事為氏者也此數者皆以表

功德明人倫柰何至其父則不然故聲相近則訛其聲字相近則訛其

字如夏啓封支子於辛莘而其後為莘氏周武王封虢叔於西虢而其

後為郭氏是皆以聲相近而訛其姓也如邾子之後去邑而為邾氏邾

氏之後去邑而為邾氏皆以字相近而訛其姓也甚者如趙奢因封馬

服君其後轉而為馬婁敬因漢高祖所賜其後轉而為劉氏田千秋因

服君其後轉而為馬婁敬因漢高祖所賜其後轉而為劉氏田千秋因

乘小車遂轉而為車氏灌夫因以灌嬰所薦遂薦而為灌氏京房吹律
而為京氏陸羽筮易而後為陸氏吳是本儀氏儀也因孔融之嘲而改
曰是置嵇康本奚姓也因家嵇山而改曰嵇束晉本疎廣之後因避難
而改為束賀循本慶普之後因避諱而改為賀第五倫其先齊諸田之
族也田氏之族衆以次為氏而因曰第五左思其先齊之公族也以有
左右公子之名故因為氏而改曰左是又皆率意以更改其姓也至其後
世相去既遠又安能辨其祖之所自出邪夫祁氏一族至麴別而為陶
唐氏至夏別而為御龍氏至商別而為豕韋氏至周別而為唐社氏至
晉別而為范氏至鑿別而為劉氏凡六別其姓為媯氏一族至舜別而
為姚氏至胡公別而為陳氏至敬仲奔齊別而為田氏至齊王建之子
別而為王氏凡四別其姓為是豈非姓多而訛其族乎今夫社氏一姓
也惟社伯之後不遷者為社城社氏至漢建平侯延年之後則為京兆
社氏晉當陽侯翦之後則為襄陽社氏如子寬之後則為巨之社氏赫
子威之後則為濮陽社氏是社氏一姓而五望也張氏一姓也而常山

王氏之後則為河間張氏留侯良之後則為武城張氏北平侯之後則
為中山張氏後漢廣陵太守綱之後則為馮翊張氏後漢蜀郡太守陸
之後則為吳郡張氏晉司空華之後其一徙居河東則為河東張氏其
一徙居河南則為河南張氏唐相安世居繁水則為魏郡張氏唐相鎬
世居平原則為汲郡張氏唐相亮又為鄭州張氏其張氏一姓而十望
也劉氏一姓也而楚元王交之後則為南華劉氏景帝弟子趙欽肅王
之後則為廣平劉氏長沙定王之後則為南陽劉氏光武子廣陵恩王
之後則為臨淮劉氏章帝子河間孝王之後則為尉氏劉氏唐相又靜
唐相瞻則為彭城劉氏其劉氏一姓而六望也若是則豈非望多而訛
其姓乎非特此也至其弊則若河南劉氏則出於匈奴冒頰能無累於
劉漢之後乎安東王氏則出於阿和恩營州王氏則出於高麗能無媿
於周齊之後乎柳城李氏則出於契丹代北李氏則出於沙陀李正己
則出於高麗李寶臣則出於奚種能無媿於臯陶之後乎此後世之弊
也蓋自秦滅學之後公侯子孫失其本末漢興司馬遷乃約世本修史

記因周譜明世家乃知姓氏之所由出虞夏商周昆吾大彭豳韋齊威
晉文皆同祖也更王送伯漢高祖徒步有天下命官以賢詔爵以功誓
曰非劉氏無功而王者天下共誅之遠至公卿之胄才則用不才則棄
之不辨士與庶族然則始尚官矣然猶徙山東豪傑以實京師舉諸田
屈景皆右姓也魏立九品置中正尊世胄卑寒士權歸古姓晉宋因之
于時有司選舉必稽籍而攷其真偽故官有世胄譜有世官由是有譜
局令史江左則僑姓王謝袁蕭為大東南則為吳姓朱張顧陸為大山
東則為郡姓王崔盧李鄭為大關中亦號郡姓韋裴柳薛楊杜首之代
北則為虜姓元長孫宇文首之虜姓者魏文遷洛有八氏十姓三十六
族皆其宗屬部落也郡姓者以中國士人差第閥閱為之制曰膏梁曰
華腴而又有甲姓乙姓丙姓丁姓謂之四姓北齊因仍九舉秀才非四
姓不在選中唐太宗以山東七人尚閥閱雖族已衰而子孫猶負世望
至有賣婚之弊由是詔高士廉等攷天下之譜牒進忠良退凶惡光宗
室後外戚退新門進舊望右膏腴右寒賤合為九等號曰氏族志夫自

秦漢以來氏族之制出於上之所賻下之所更者絕無而僅有至於世
守一氏持千餘年而不變其別非若古之多然入罕有辨氏族之原者
王氏之一也吾不知其出於元城之王邪邛城之王邪邛城之王邪劉
氏一也吾不知其出於陶唐之劉邪見高祖贊奉春之劉邪元海之劉邪晉
趙元本其能明辨而不惑者鮮矣氏之馬者未必能辨其為馬服之馬
及馬矢之馬也後漢馬隆先本馬矢氏氏之石者未必能辨其為周術之石周石
衛之石及後趙之石也古之氏族繁而知之者反多今之氏族簡而
知之者反少其說果安在邪蓋由譜牒之明與廢也切考自古善論姓
氏者魯有眾仲晉有胥臣鄭有行人子羽皆能探討本原自炎黃而下
如指諸掌後世如漢鄧氏官譜應劭風俗通王符潛夫姓氏篇晉摯虞
之族姓昭穆賈弼之姓氏簿晉大賈執之姓氏英賢宋何承天之姓苑
王僧孺之百家譜唐柳沖之姓系錄達述之開元譜柳芳之宋泰新譜
李守素之內譜蕭穎士孔至之百家類例皆以名儒世學疲精歲月而
後成書唐張九齡而下至宋諸儒益盡信之然而因陋就誣不可以訓

自應劭以來所著大議如齊秦晉楚本非國姓亂其族系他姓尚多有之良由應劭一誤後世相沿未知有改故也獨林寶作元和姓纂稍能是正歐陽脩作唐宰相表九九十三族尤為精詳至鍾陳韓高之氏亦有訛舛近世名儒又有作古今姓氏辨證之書者此譜牒之學也昔李義府不得與於李德崇之譜乃傳致其罪杜正論不能齒於城南之譜乃鑿摘其非今欲定譜牒而後為真使天下後世知所以尊祖敬宗之道必能因其所是正其所非以刊一定之書如成周小吏之所職者以頒行於天下俾天下明其本系之所自出則世系之混殺昭穆之紊亂其何慮歟

群書考索卷三十四

後集

群書考索卷三十五

山堂先生章俊

建陽知縣區玉

士門

姓

書曰錫士姓。國語曰司商協名姓

司商掌賜族受姓之官商金聲清謂人始生吹律合之定其姓名

又曰昔少典生黃帝炎帝

少典者諸侯國號稱人名也

黃帝以姬水成炎帝以姜水成成而吳德故黃帝為姬炎帝為姜。史

記曰黃帝二十五子得姓者十有四人晉司空交子曰黃帝之子二十

五宗其得姓者十四人為十二姓

姬 酉 祁 巳 滕 箴 任 荀 僖 姁 嬛 依

惟青陽與林氏同于黃帝故皆為姬姓。史記夏義曰禹為姬姓其後分封用國為姓故有夏后氏有邕氏有男氏斟尋氏彤成氏褒氏費氏和氏繒氏辛氏冥氏斟氏戈氏。殿贊曰契為子姓其後分封以國為姓有殷氏宋氏辛氏桐氏雅氏北段氏日夷氏。周語曰伯夷疏川道淵鍾水豐物皇天嘉之祚以天下賜姓曰妣氏曰有夏謂其能以嘉社富生物也祚四岳國命為侯伯賜姓曰文氏曰有呂謂其能為禹股肱心膂以養物豐民人也。左傳襄十年瑕禽曰昔平王東遷吾七姓從王。通鑑漢高帝賜婁敬姓劉氏。唐高祖賜徐世勣李氏終漢之世有易姓如衛青之徒其後劉元海本匈奴種以冒頓與漢和及其外祖遂謂姓劉其弊至此豈非高帝有以啓之歟。唐世人主非其親者附之屬藉或加於夷狄盜賊以逆賊異類為同宗其弊至此豈非唐高祖有以啓之歟。范祖禹曰古之賜姓所以別之今之賜姓適以亂之

氏
左傳襄二十四年范宣子謂穆叔曰昔句之祖自雲以上為陶唐氏在

夏為御龍氏在商為豕韋氏

豕韋國名東郡白馬縣東南有韋城

在周為唐杜氏

唐杜二國名殷末豕韋國於唐周成王滅唐遷之於杜為杜伯杜伯

之子隰叔奔晉四世及士會食邑於范復為范氏杜今京兆杜縣

晉主夏盟為范氏。

禮書曰古者或以氏於國則秦魯齊吳氏於謚則文武成宣氏於官則

司馬司徒氏於爵則王公王孫氏於字則孟孫叔孫氏於居則東門

此郭氏於志則三鳥五鹿氏於事則巫乙匡陶而受姓命氏燦然著

矣

馬援其先趙將號曰馬服君子孫因以為氏。魯恭其先魯顏公為楚

滅遷於下邑因氏焉。樊宏其先周仲山甫封于樊封氏焉馮紡先魏

之支則食采馮城因氏焉。宋暉其先微子之後也周襄諸侯滅宋奔

碭易姓為宋本傳注姚策

書堯典曰以親九族以睦高祖九族之親。臯陶謨曰篤叙九族。仲氏之誥曰志自滿九族乃離。

詩葛藟刺平王也棄其九族焉。角弓刺幽王不親九族也行葦內睦九族。

周禮小宗伯掌三族之別

禮記仲尼燕居曰閨門之內有禮故三族和三族父子孫也

周禮大宰宗以族得氏。太宰伯以飲食之禮親族兄弟

陳禮書曰書與詩序皆言九族特周禮小宗伯儀禮士昏禮記仲尼

燕居特言三族者三族父子孫也九族高祖至玄孫也三族舉其本

九族極其末舉三族則九族見矣白虎通夏侯歐陽何琦如淳之徒

以父族四母族三妻族二為九族其說蓋以詩之葛藟刺平王不親

九族而言謂他人父謂他人母類弁刺幽王不親九族而言豈伊異

人凡弟甥舅角弓亦刺不親九族而言兄弟婚姻無胥遠矣則所謂

九族者非特內宗而已是惡知詩人之所主者因內宗而發哉彼謂

父族四者父之姓為一族父女昆弟適人者子為二族已女昆弟適

父者子為三族已女適人者子為四族三者母之父母為一族母之

昆弟為三族母之文昆弟為三族妻族二者妻之父為一族妻之母

為二族然於母之母則合而為一族妻之父母則離而為二可乎魯

威公六年隋委梁曰親其九族以致其裡祀杜預注曰九族謂外親

祖母從母子及妻父妻母姑之子姊妹之子女子之子并已之同族

皆外親有服而異族者也爾雅於內宗皆曰族於每妻曰黨而已又

禮小功之末可以嫁娶妻之黨固無妨於嫁娶昏禮不容慮其不虞

也然則九族之說當從孔安國鄭康成為正何則小記曰親親以三

為五以五為九上殺下殺旁殺而親畢矣此九族隆殺之差也蓋以

上親父下親子三也以父親祖以子親孫五也以祖親曾高以孫親

宗

左傳定四年祝鮀曰成王遷建明德以蕃屏周分魯公以簡民六族條
氏徐氏蕭氏索氏長勺氏尾勺氏使帥其宗氏輯其分族將其類醜以
法則周公用即命于周分康叔以商氏七族陶氏施氏繁氏錡氏樊氏
饑氏終葵氏分唐叔以懷姓九宗職官五正。隱六年翼九宗五正傾
父之子嘉父送晉侯于隨

注云五正五官之長太宗一姓為九族也

自唐始分世為晉世強家及晉襄卒得強家之力此宗法之所以善也
又叔向云羊舌之宗十一族亦此類也

大宗。小宗。百世不遷之宗。五世則遷之宗。

大傳曰別子為祖繼別為宗繼禰者為小宗有百世不遷之宗有五世
則遷之宗百世不遷者別子之後也宗其繼別子之所自出者百世不
遷者也宗其繼高祖者五世則遷者也

禮書曰百夫無長不散則亂一族無宗不離則疎先王因族以立宗
故宗以尊祖故吉凶有以相及有無得以相通尊卑有分而不亂親

疎有別而不式

嚴禮所謂不式漸之類

貴賤有繁而不簡

文王世子曰雖為族人冠取妻必告然

後一宗如出乎一族一族如出乎一家一家如出乎一人此禮俗所
以刑而人倫所以羣也蓋公子不得稱先君故為別子而斷別者族
人宗之為太宗遠雖至於絕屬猶為之服齊衰三月母妻亦無庶子
不得祭祖故諸兄弟宗之為小宗以其服服之大宗遠祖之正體則
一而已小宗高祖之正體其別有四則繼禰者兄弟宗之繼祖者從
兄弟宗之繼曾祖者從祖兄弟宗之繼高祖者族兄弟宗之四世則
親盡屬絕而不為宗矣既已無服遂易其宗所謂五世則遷之宗然
言繼別為宗人言繼別子之所自出者言繼禰為小宗又言宗其繼
高祖者則繼別者別子之子也繼別子之所自出者即別子也繼禰
者庶子之子也繼高祖者五世之孫也繼禰言其始繼高祖言其終
繼言無其宗繼別子之所自出言其祖經言繼別子之所自出而孔
穎達言別子之所由出然則別子所由出即國君也其可宗乎穀梁
曰燕周之分子也分子即別子也然別子不特公子而已有來自他

邦而為卿大夫者亦謂之別子有起於民庶而為卿大夫者亦謂之別子

有小宗而無大宗。有大宗而無小宗。有無宗而莫之宗。

諸侯之公子上不得宗君下未為後世之宗必有以統之故有三者之宗道也君無適昆弟使庶昆弟一人為宗統公子禮如小宗故曰有小宗而無大宗君有適昆弟使之為宗以統公子不復立庶昆弟為宗故曰有大宗而無小宗公子一而已無公子可宗亦無公子宗之故曰有無宗亦莫之宗

說者曰陳國錄大宰以九兩繫邦國之民曰宗以族得民蓋綴之以族王者所以一天下後世徒蔽於害而莫見其利遂使先王良法美意不可復用如商之士族實封康叔懷姓九宗實封唐叔必曰世家大族有害於國豈成王不仁於二國哉是必強宗大族禮義是以齊其家而好尚足以率其俗正有國者之所以治者此孟子所以拳拳於巨室也不幸魯之威齊之田井國遂君遂以大家為不可容漢人主都關中遂從

齊諸田楚昭王屈而武帝以六條訪察自以強宗蒙右為言陵夷至於

晉士大夫猶有群聚而挨起者不幸五胡亂華奔逐四至於元魏分祈蔭戶而先王宗以族得民之事始散而不可復收矣

禮記載大宗之法皆古大夫之家有采地者也蓋掌論之天下有大宗天下是也國有大宗諸侯是也家有大宗大夫是也天子既為天下宗矣而而王子王孫之又為諸侯則猶為一國之宗諸侯既為一國之宗矣而公子公孫之為大夫則猶一家之宗若士夫庶人有升而為大夫則一家之人宗之大夫有進而為諸侯則一國之人宗之人宗之諸侯有黜而為大夫則宗其為諸侯者而已不得為宗大夫有廢而為士庶人則宗其為大夫而已不得為宗至於公族踈遠而為士庶人則皆宗於人者也舉天下之人已不為宗則宗於人未有獨立而無宗者也

東坡曰古者立宗之道嫡子既為宗則未庶子之嫡子又各為庶子之宗其法止於四而其實無窮自秦漢以來天下無世卿大宗之法不可以復立而其可以收合天下之親者有小宗之法存而莫之行者此甚可

惜也。今天下所以不重其族者，有族而無宗也。有族而無宗，則族不可合。族不可合，則雖欲親之而無由也。族人而不相親，則忘其祖矣。今世之公卿大臣賢人君子之後，所以不能世其家如古之久遠者，其族散而忘其祖也。故莫若復小宗。

李氏曰：別子謂公子若始采及在此國者，後世以為祖也。別子之適子適子，世世繼別子為大宗。然小宗上盡於高祖，則遠者忘之矣。旁盡於三則疏者忘之矣。故立大宗以承其祖，族人五世外皆合之。宗子之家序以昭穆，則是始祖常祀，非孝乎？同姓常親，非睦乎？重宗者尊祖之義也。

異同

按左氏之書，子長之史記其載諸國姓氏與夫世裔皆有可疑者。春秋之特諸侯之國九一百十五，可以知其姓與爵者四十有六。晉楚之類是也。可以知其姓而不可以知其爵者一十有八。焦陽之類是也。可以知其爵而不可以知其姓者一十有七。沈之類是也。其爵其姓皆不可得而知者三十有三。鮮虞陸渾之類是也。不知其姓不可得而見之矣。

而知其姓者又不可究信。如以趙為羊姓而子長又以為姬姓，以邾姓鄆國為重黎之後，又以為吳國之後。此其言異同固不足論。至於姜氏為伯夷之後，又以為四岳之後，是其言自相異同矣。舜之咨四岳有能與朕三禮，僉曰伯夷。若以四岳為伯夷，則是唐薦其才也。豈其然乎？此左氏之言姓氏所以為可疑也。子長之史記始於黃帝，迄于漢武。天子世次見於帝紀，諸侯世次見於世家。夏之後則為杞，商之後則為宋，以其世家本紀併而攷之，則其苗裔歷歷而可考。至於滕薛邾郟之屬，雖其事見於春秋，而其世次之不傳者，又不可盡信。堯乃舜之從高祖而舜乃妻其女，鯀乃舜五世從叔公與舜同為堯臣。湯與王季同世也。湯下傳十六世而為紂，王季傳一世而為文王二世而為武王。則是文王以十五世祖而臣事十五世孫，紂武王以十四世祖而伐十四世孫。紂而伐之，必不然矣。此子長之論世裔所以為可疑也。大抵去古既遠，抱舛承訛，無所取正。左氏猶然，況子長乎？子長猶然，況班固以下乎？左氏以嬴姓為伯翳之後，班固又以為伯益之後。章昭遂以為伯益即伯翳。

考索後卷三十五
也孔穎達復以伯益為臯陶之子愚嘗按史記之文臯陶之後封蓼六
伯翳之後封秦壘伯益之後不知所封是則伯益伯翳臯陶各為一族
翳與益不得為一人而益不得為臯陶子矣

漢興本於亭長而以為出於唐堯曹魏之興肇於宦官而以為出於曹
叔振鐸唐之祖起於隴西狄道而以為出於老子臯陶此何異郭崇韜
而拜郭子儀之家其不貽笑於君子者幾希矣傳臯陶為士未聞其為
大理而以理為李甚不經矣劉子元以漢為陸絳苗裔固以駁漢之非
而高堂隆又以魏舜之後其繆尤甚舜為媯氏其苗曰田安有魏氏耶
有異姓而反同者何與韓是也成王母弟唐叔虞之後封於韓韓既失
國子孫離析江淮之音以韓為何遂從其音以為何氏此退之所以為
韓與何同姓而近也至於以婁為劉是高祖一時之言無所經見婁者
似姓之後安可與劉為一耶此則高祖之失也有同姓而反異者則以
其姓雖一而所祖不同以杜為氏者有出於襄陽有出於京兆以王為
氏者有出於太原有出於河東豈可以共譜哉而李義甫不得預於李

崇德之譜乃傳之致其罪杜正倫不得齒於城南諸杜乃鑿杜固梁者
則天之罪也

總論

周禮小史奠世繫下昭穆左傳絜仲曰天子建德因生以賜姓昨之士而
命之氏諸侯以字為謚因以為族官有世功則有官族邑亦如之禮書
曰姓非天子不可以賜而氏非諸侯不可以命姓所以繫百世之正統
氏所以別子孫之旁出族則以氏之所聚而已然氏謂之姓故大傳言
繫之以姓又言庶姓別於上則氏與姓一也氏又謂之族故羽父為無
駭諸侯隱公命以為展氏則氏族一也蓋別姓則為氏氏則有族族無
不同氏氏有不同族故八元八凱出於高陽氏高辛氏而謂之十六族
是氏有不同族也商氏條氏徐氏之類謂之六族陶氏施氏之類謂之
七族宋之華氏謂之戴族何氏謂之威族是族無不同氏也
有因德而賜姓
四岳左禹治水有功賜姓曰姜氏曰呂氏

有因土而賜姓

陳舜之後為之受姓也本因姓之居于媯納賜姓曰媯

有因官而姓者

倉氏 庫氏 司空 司馬

有因邑而姓者

諸氏因於宋子召食來於諸而子孫承之易子為褚

有因字之省文而易姓者

于氏出自姬氏之邠去邑而為于喬氏出自姬姓之橋去木而為

喬有聲音之相近而易姓者

辛本莘也莘莘相近遂為辛氏郭本號也郭號相近號遂為郭

有因見於丙殿而易姓者

丙本李也李陵之裔自匈奴歸魏見於丙殿故賜姓焉

有因文在手而易姓者

武氏出自周平王之少子生而有文在其手曰武遂以為氏

有因語音之訛而易姓者

宇文出自神農之後以其嘗草之功自號為侯汾氏其後訛而為

宇文氏

有逃自竇出而易姓者

竇氏本自姓也有仍逃出自竇故少康氏為竇

王氏之姓不一

王氏出自姬姓周靈王太子晉之後時人號曰王家故曰王氏太原

王琅琊王其後也又有出自畢公高之後魏信陵公子孫時人以其

故王族號曰王家故為王氏

裴氏之姓不一

裴出風姓非子之交孫封非邑鄉故為非邑氏至非後世去邑從衣

為裴此一裴也晉平公封顯帝之孫於裴中號裴君此一裴也此不

可不辨

總論

禮書曰方周盛時宗族之法行故常棣行葦之美作於上角弓頗弁之刺不聞於下以此治國而國有倫以此繫民而民不散則宗子之於天下豈小補哉及秦用商君之法富氏有子則分居貧民有子則出贅上雖王公大人亦莫知有敬宗之道矣

秦興滅學而宗譜不立及漢司馬遷修史記上述黃帝下迄麟趾採世本世系而作帝紀採周譜國語而作世家由是人乃知姓氏之所出西漢之間人皆有姓氏以國者韓陳許鄭魯備趙魏最為多武晉賈弼有姓氏傳十八川百十六郡合七百二十二篇甄析士類無所遺缺賈希鏡撰姓氏要狀賈執作姓氏英賢錄宋譜牒之學浸興有司選舉必稽譜牒以考其真偽官有世胄譜有世官分天下之姓而四四各過江則有僑姓而王謝氏蕭為大東南則有吳姓而朱張顧陸為太山東則有郡姓而王崔盧鄭為大關中亦有郡姓而韋裴柳薛楊杜首之代北則虜姓而元長宇文陸源寶首之以中國士人差第閥閱而為之制遂分為甲乙丙丁之號焉夫以此言選舉以此考賢才以此形品藻豈上出

所以別姓氏之意耶甚者至於賈昏而求財鑿柱而通譜悠悠風塵自喪廉恥此何理哉其間有欲懲其弊者後至於譜牒脫落迄無考按而世數既遠終不知其何姓氏其失又甚焉嗚呼綴之以姓系之以氏所以存昭穆別婚姻使天下知敬宗尊祖而不忘本者古人之意也奈何漢尚官魏晉尚姓南北尚詐隋入因仍而欺弊莫華漢高帝命官以賢詔爵以公先王公卿之位才則用不才則棄期尚官也魏立九品置中正尊也位卑寒素而權舉右姓北變官而尚姓矣晉宋因之以別貴賤分士庶選舉之際皆用譜牒至北齊北舉秀才州主簿郡功曹必四姓乃其選也其尚詐又如此也文之弊至於尚官尚書之弊至於尚姓尚姓之弊至於尚詐隋承其後乃反古之道罷卿舉離土者尊執事之史由是無鄉舉里選無衣冠士族而庶人贅矣北唐太宗所以命高士廉而定氏族也初武德中李守素亦明姓氏謂之族譜正觀中太宗命高士廉普責天下譜約史傳考其真偽為進忠賢退悖惡先宗室後外戚右膏梁左寒賤凡二百九十三姓千六百五十一家分為九等號氏族志

太宗曰我今定氏族者欲崇我唐朝人物冠冕垂之不朽何容納貨賈
門嚮聲背實而賣婚以為榮而遂以第一崔幹為第二高宗時許李更
以呂才利定改為姓氏錄當時吐烏號曰勳格路敬淳有衣冠譜有著
姓畧記長安中劉知幾撰劉氏譜三卷先天時復詔柳冲徐堅等討綴
倪姓族以開元時吾木好譜學於百氏源派為詳故作譜唐興言譜者
以路敬淳為宗有衣冠譜柳曰韋述之李守素亦明姓氏後有李公
淹蕭穎士商寅孔聖為世所稱以宏詞及唐志會要修

通典載晉太元中賈弼大披羣族撰十八州百一十六郡合七百一十二
卷士庶畧無遺缺宋玉洪劉湛並好其書洪曰對千客不犯一人諱湛
復選百家譜傷於寡畧齊王僧儒又為八十卷東南諸侯則為一部不
在百家之數

唐乾元元年賈至撰百家類例十卷

不賜姓

漢高祖嘗賜妻教諸真皆以劉氏亦可謂知天子之職矣然而知其職

而未知其義故亦陋少文下如元魏孝文之長於議論也。漢孝文賜
喬氏則取其高遠改源氏則取其同源後世帝者徒具英主所為意其
駕馭豪傑或出於此於是跋扈之臣與夷酋賊渠例皆賜以國姓謂之
固結其心而不知取笑貽辱無以示天下威重夫姓者出於天授於祖
宗先聖以神明之德奄有天下以為神明萬物之主而嗣君乃屈帝尊
以下同於三者之賤此當時公卿大臣不學之過也古之賜姓受氏不
然天子之子常為顯諸侯之子常為名卿士大夫至起於陳迹者又一
時賢能才智之士其言行卓卓皆可稱道求之於詩則齊之姜知其前
有四岳而後有太公宋之子知其前有成湯後有微子孟庸孟文知為
衛之世族南方之原知為陳之名家求之春秋則施臧季孟之氏於字
戴武稷宣之氏於謚中行司城之氏於官邱御秦費之氏於邑皆可以
樂見則三代之典禮與後世公襲之誤較然甚明而漢魏以來賜姓附
屬籍者不如不賜之為愈也鄧名世姓氏書序

考索卷三十五

後集

群書考索卷三十六

後集

山堂先生章俊卿編輯
建陽知縣區王校刊

○士門

分類總攷

貢舉

周三大司徒以卿三物教萬民而賓興之一曰六德二曰六行三曰六藝

卿大夫三歲大比攷其德行道藝而興賢者能者卿老及卿大夫即其吏與其衆寡以禮禮賓之厥明卿老及卿大夫群吏獻賢能之書于王王再拜而受之登于天府內史式之退而以卿射之禮五物詢衆庶一曰和二曰容三曰主皮四曰和容五曰興舞此謂使民興賢出使長之使民興能禮之治之

州長二年大比則大考州里贊卿大夫廢興

黨正正歲屬民讀法而考其德行道藝以歲時涖校比及大比亦如

之

漢高祖十一年詔曰賢士三大夫既與我定有天下而不與吾共安利

之可乎有能從我遊者吾能尊顯之以布告天下

後漢章帝建初元年詔曰夫鄉舉里選必累功勞今刺史守相不明真

為茂材孝廉歲以百數每尋前代舉人貢士或起吠吠不繫闊閤敷奏

以言則文章可採明試以功則政有異迹文質彬彬朕甚嘉之始復用

前漢丞相故事以四科辟士

魏文帝立九品中正法擇州郡之賢有識蓋者為之區別人物第其高

下典通。黃初三年始除漢限年之制令郡國貢舉勿拘老幼儒通經術

吏達文法則皆試用典通

東晉元帝制揚州歲舉二人諸州各一人時以天下喪亂務存慰勉遠

方孝秀不復策試到即除署既經畧相定乃詔試經有才不中舉者免

其太守其後孝秀莫敢應命送至京師省已疾辭典通

宋制丹陽吳會稽吳興四郡歲舉二人餘郡各一人凡州秀才郡孝廉

至省策試天子或親臨之及公卿所學皆舉屬吏部叙才銓用典通

文帝元嘉中限年三十而仕典通

孝武即位仕者不復拘老幼典通

齊尚書都令史駱宰議策秀才格五問並得為上四三為中二為下一

不合與第典通

梁初無中正制年二十有五方得入仕典通。天監中又制凡九流常選

年未三十不通一經者不得為官若有才同甘顏勿限年次至七年州

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

置州重郡置郡崇鄉置鄉豪各一人專典搜薦無復膏梁寒素之隔典通

晉通七年詔凡州歲舉二人大郡一人通

敬帝太平三年復令諸州各置中正仍舊訪選舉皆須中正選上然後量授不然則否

陳依梁制凡年未三十不得入仕唯經學生策試得第

後魏州郡皆有中正掌選舉其秀才對策第居中正上表叙之

北齊選舉多沿後魏之制凡州縣皆置中正其課試之法中書策秀才

集書策考貢士考功即中策兼良天子常服乘輿出坐於朝堂中盪秀

孝各以班草對字有濫誤者呼起立席後書有濫劣者飲墨水一升文

文理孟浪者奪席脫容刀

隋文帝開皇中制諸州歲貢三人工商不得入仕

煬帝始置進士科

唐貢士之法多循隋制上郡歲三人中郡歲二人下郡一人有才能者

無常數其常貢之科有秀才有明經有進士有明法有書有算自京師

郡縣皆有學焉並具學簿通。每歲仲冬郡縣館監課試其成者長吏

會屬僚設賓主陳俎豆備管弦牲用少牢行鄉飲酒禮歌鹿鳴之詩徵

著父叙少長而觀焉既饒而與計備其不在館學而舉者謂之鄉貢。

又制取士之科大要有三由州縣者曰鄉貢皆升于有司而進退之。

自是士族所趨嚮唯明經進士二科而已其初止試策並通

太宗正觀八年詔加進士試讀經史一部通

高宗調露二年劉思立始奏二科並加帖經其後又加老子孝經使兼

通之通

武后長壽二年自製臣軌兩篇令貢舉習業停老子上

中宗神龍二年二月制貢舉人停臣軌依舊習老子上。舊制以考功

即中監試貢舉正觀後以考功員外郎專掌上

玄宗開元二十一年新注老子成詔天下每歲貢士減尚書論語策而

加老子焉。二十四年制於貢舉於禮部以待部掌之上。二十五年

其進士停士經。天寶元年帖既通而後試文試賦各一篇文通而後

試策凡五條三試皆通者為第一進士有甲乙二科自武德以來進士

唯乙科而已先試之期命舉人謁于先師有司十日宿張於國學宰輔
以下皆會而觀焉博集群議講論而退之禮部閱試之日皆嚴設兵衛
存棘圍之搜索衣服譏訶出入以防假濫焉其進士大抵千人得第者
百一二。開元以後四海晏清士無賢不肖恥不以文章達其應詔而
舉者多則二千人少猶不減千人所收百纔有一並同

肅宗乾元中禮部侍郎李揆病取士不考實徒務搜索禁所被而迂學

陋生且不能自惜干詞乃陳書廷中進諸儒約曰上選士第務得才可

盡所款言由是人人稱羨本傳。寶應二年禮部侍郎楊綰奏諸州每歲

貢人依鄉舉里選察秀才先是進士試詩賦

德宗建中二年趙贊以箴論表贊代詩賦

文宗太和八年復試詩賦。從內出題以試進士謂侍臣曰吾患文格

浮薄昨自出題所試差勝乃詔禮部歲取登第三十人為無其人不必

充數。鄭覃疾進士浮薄屢請罷之文宗曰淳享浮薄色色有之進士

卜又入二百年矣不可遽罷唐

武帝即位李德裕論進士不根藝實朝廷顯官須公卿子弟為之唐

宋太祖建隆元年二月丙戌先是中書舍人安次彥象權知貢舉庚寅

奏進士合格者十九人姓名二年二月癸酉權知貢舉實儀奏進士合

格者十一人三年三月丙子權知貢舉王著奏進士合格者十五人九

月丙辰詔及第舉人不得呼知舉官為恩門師門及自稱門生並見

乾德元年二月辛亥權知貢舉薛若正奏進士合格者八人八月壬辰

詔禮部貢院所試九經舉人落第宜依諸科舉人例許令再試九月丙

子詔禮部貢舉人自今朝臣不得更發公薦違者重寘其罪故事每歲

知舉官將赴貢院臺閣近臣得薦袍至藝者號曰公薦然去取不能無

所私至是禁止。乾德三年三月丁酉權知貢舉陶穀奏進士合格者

八人九月癸未權知貢舉盧多遜言諸州所薦士數益多乃約用顯德

之制定發解條例及殿罰之式以懲濫進詔頒行之。乾德三年二月

丁巳權知貢舉盧多遜奏進士合格姓名凡七人。乾德四年二月辛

酉權知貢舉王祐言進士合格者六人諸科合格者九人上恐其遺才

復令於不中選人內取其優長者策而升之。乾德五年二月壬申權知貢舉盧多遜奏進士合格者十人復詔參知政事薛居正於中書覆試皆合格乃賜及第。開寶元年三月癸巳權知貢舉王祐擢進士合格者一人陶穀子邴名在第六翌日穀入致謝上謂左右曰聞穀不能訓子邴安得登第運命中書覆試而邴復登第因下詔曰造士之選匪植私恩世祿之家宜崇素業如間黨與頌文衡公器豈宜欺濫自今舉人凡關食祿之家委禮部具祈以聞當覆試編

前輩謂進士一科為將相科王則其人可知也當時取士兼采譽望廷唱或充審人物有以翰林學士之子而合覆試者陶穀之子翰有以宰相參政之子弟而皆罷之者李昉之子宗呂蒙正之弟彥有以升黜未公而再行考試者王等言有以取舍非當至擊鼓自陳者律有以賦落韻而時取之者時有以注疏異說而特黜之者賈有以上書可用而通榜者為通判者張有以儀狀秀偉而召見擢為弟一者薛國初取士之際猶不拘於法也或欲罷封彌之法范中等或

欲降學校之教歐陽

或欲還田里之選趙師

或欲置經明行修之科

皆欲者其於獲兼采譽望如國初之制然特異事變難於卒行

則亦相視太息而已

則亦相視太息而已

則亦相視太息而已

則亦相視太息而已

則亦相視太息而已

則亦相視太息而已

開寶三年二月甲子權知貢舉趙逢奏進士合格者十人安德

此據會要登科記其日丁卯是春車駕親征不知何緣不停舉趙逢

尋亦為隨車轉運使豈節於行在所取士乎

冬十月丁亥詔西川山南荆湖等道自今發遣舉人往來並給券。開

寶三年三月壬寅朔詔禮部貢院闕進士諸科十五舉以上曾經終場

者以名聞甲辰得司馬浦等六十三人庚戌復取十五舉未經終場者

四十三人並賜出身仍詔自今勿得為例權知貢舉卷蒙擢進士合格

者八人。開寶四年二月辛卯知制誥盧多遜權知貢舉奏進士合格

者十人。開寶五年閏二月壬辰權知貢舉卷蒙奏合格進士京兆安

守亮等十一人諸科十七人上召對於講武殿始王制放榜新制也十

一月已巳詔諸道舉人自今並於本貫州府取解不得更稱寄應如從

化外至者先投牒開封府奏請得旨方許召試。開寶六年三月辛酉
新及第進士雍丘宋准等十人詔科二十八人詣講武殿謝上以進士
武濟川材質最陋應對失次繼夫之濟川翰林學士李昉鄉人也昉時
權知貢舉上頗不悅會進士徐士廉等擊登聞鼓訴昉用情取舍非當
上以問翰林學士盧多遜曰頗亦聞之上乃令貢院籍終場下第者姓
名得三百六十人癸酉皆召見擇其一百九十五人并準以下及士庶
等各賜紙札別試詩賦命殿中侍御史李瑩左司員外郎侯陟等為考
官乙亥上御講武殿親閱之得進士二十六人士庶預為五經四人開
元禮士人三禮三十八人三傳二十六人三史三人學究十八人明法
五人皆賜及第又賜準錢廿萬以張宴會責昉為太常少卿考官右贊
善大夫楊可法等皆坐責自茲殿試遂為常式。夏四月乙酉詔諸州
考試官令長吏精選僚屬有才學公正者充知貢舉與考試官同有詳
義卷定其通否否即駁放不得優假虛至終場申禁私薦屬舉人募告
實有差舉人勒還本貫重役求不得入科場。開寶十年三月詔

權停貢舉。開寶八年二月丁卯知制誥王祐權知貢舉知制誥扈蒙
左補闕梁周翰秘書丞雷德驥並權同知貢舉命權同知貢舉始此戊
辰上御講武殿覆試王祐等所奏合格舉人王式等因語之曰向者登
科名級多為勢家所取致塞孤貧之路甚無謂也今朕躬親臨試以可
否進退盡革疇昔之弊矣式等皆頓首謝於是內出詩賦題試得進士
王宗以下三十人諸科三十四人八月辛酉詔停今年貢舉十二月甲
子詔貢士之下第者特免將來請解許直詣貢部

太宗太平興國二年正月丙寅上初即位以疆宇至遠吏員益衆思廣
振淹滯以資其缺願謂侍臣曰朕欲博求俊乂於科場中非敢望拔十
得五止得一二亦可為致治之具矣先是諸道所發貢士凡五千三百
餘人命張洎石熙載試進士侯陶等試諸科侯涉監之禮部上所試合
格人名戊辰上御講武殿出詩賦題覆試進士賦韻平側相聞依次用
命翰林李昉扈蒙定優劣為三等得河南呂蒙正以下一百九人庚午
覆試諸科得二百七人並賜及第詔禮部閱貢籍得十五舉以上進士

及諸科一百八十四人並賜出身九經七人不中格上憐其老特賜同
三傳出身凡五百人時先賜綠袍鞋笏錫宴開寶寺上自為詩章賜之
唐時禮部放榜之後驟飲於曲江號曰聞喜宴五代多於佛舍名園周
顧德中官為主之上命中使典領供帳甚盛第一第二等進士并九經
後將作監丞大理評事通判同出身進士及諸科並送吏部免選優等
注擬初資職事判司部尉龍章殊異曆代所未有也。初太祖幸西京
洛陽人張齊賢獻下井沁富民封建敦孝舉賢太學籍田選良吏懲奸
謹刑十策太祖召見問之齊賢以手畫地條陳太祖善其四策齊賢堅
執其餘策皆善太祖怒令衛士曳出及還語上曰我幸兩京惟得一張
齊賢我不欲遂官爵之汝異時可官自輔齊賢舉進士上決欲置之高
等而有司第其名適在數十人後上不悅乃詔進士盡第二等及九經
凡一百三十人悉與超除蓋為齊賢故也十月癸未詔權停貢舉一年
。興國三年八月甲戌上恐場屋間有留滯者乃詔諸州去年已得解
者除三禮三傳學究外餘並以秋集禮部九月甲申上御講武殿覆試

禮部合格人進士加論一首自是常以三題為準得渤海以下七十四
人乙酉得諸科七十人並賜及第始賜宴於迎春苑授官如二年之制
故事禮部唯春放榜至是秋試非常例也詔自今禮部試進士律賦並
以平側依次用韻十二月甲戌是冬諸州貢舉人並集會將親征河東
罷之自是每間一年或二年乃置貢舉。興國四年十一月丙戌詔進
士及諸科引試日並以律文疏卷問義又詔張詠寇準同赴大名舉議
將首薦詠詠以同郡張覃素有文行即率寇公請以覃為冠士論多之
。興國五年閏三月甲寅上御講武殿覆試權知貢舉程羽等所奏合
格進士得銅山蘇易簡以下百一十九人諸科五百三十三人並分第
甲乙賜宴始有直史館陪座之制進士第一等授將作監丞通判藩郡
次授大理評事知令錄事諸科受初等職事及判司簿尉。興國五年
夏四月丁丑趙昌國者求應百篇舉癸未上親試之出雜題二十字令
各賦五篇篇八句逮至日盱僅成數十首率無可觀上以此科久廢特
賜及第以勸耒者仍詔有司自今應百篇舉約此為題編。興國七年

考索後卷三十一
九月癸丑上以諸道進士猥雜或挾書假手僥倖得官所至多觸憲章
欲懲革之甲寅詔所在貢舉等州自今長吏擇官考試合格許薦送仍
令禮部自今解貢舉人依吏部選人例每十人為保有行止踰違為他
人所告者同保並當連坐不得赴舉。興國八年正月壬戌兩京諸道
州府貢士一萬二千六十人甲子命中書舍人宋白等十人權知貢舉
三月丙子上海講武殿覆試禮部貢舉人擢進士長沙王世則而下百
七十五人諸科五百一十六人並賜及第進士五十四人諸科百七十
七人同出身賜宴始就瓊林苑其後遂為定制登科記是年始分甲按
國史志分第甲乙乃五年等也六月戊申上因謂近臣朕親選多士殆
忘飢渴召見臨問以觀其材後而用之庶使當野無遺逸而朝廷多君
子爾十二月癸卯上謂宰相曰邇來場屋混淆頗聞有僧道還俗赴舉
者此輩不能專一科教他日在官必非廉潔之士先須通經過周孔之
教或止習浮淺文章殊非務本之道當下詔切戒之甲辰令諸州禁還
俗僧道赴舉進士免貼經只試墨義二十道皆以經中正文大義為問

題又增進士及諸科各試法書墨義十道又詔諸道下第舉人依舊重
請文解不得準進例常赴貢部。雍熙二年三月癸亥翰林貫黃中等
九人權知貢舉上並宰相曰夫設科取士之門最為捷要然而近年籍
滿萬餘人得無濫進者乎已詔自今諸科並令量定人數相參引試
分科隔坐命官巡察監門謹視出入有以文字往復與更為奸者真之
於法私以經義相教者斥出科場伍保預知亦連上進士倍加研覆貢
舉人勿以曾經御試不考而薦始令試官親戚別試者此九十八人又
罷進士試律復貼經三月己未上御崇政殿覆試禮部貢舉人得進士
須城梁顥等百七十九人庚申得諸科三百一十八人並唱各賜及第
唱名自此始此據登科記。宰相李昉之子宗諤參知政事呂蒙正之
從弟蒙亨監鐵使王明之子扶度支使許仲宣之子待問舉進試皆入
等上曰此並勢家與孤寒競進縱以藝升人亦謂朕為有私也皆罷之
青州人王從善應五經舉年始踰冠自言通誦五經文注上歷舉本經
試之其誦如流特賜九經及第面賜綠袍銀帶錢三萬特左右獻言尚

有遺有壬戌復試又得進士上元洪湛等七十六人癸亥得諸科三百
二人並賜及第甲子詔御前下等人有十五舉以上者及貢院第四等
人凡八十四人並賜大科及第。○**雍熙**三年二月庚寅詔選貢舉。
雍熙四年十一月庚辰**雍熙**初貢舉人集缺下者始踰萬計禮部考合
格奏名尚不減千人上自旦及夕臨軒閱試累日方畢十二月庚寅朔
詔自今歲命春官知貢舉如**唐**室故事應已得解者明年春集缺下未
得解者許至秋取解知貢舉宋白等請已得解在千里內者委本處重
加考試乃發遣千里外者就西京仍乞戒勵試官務令精覈從之。○**端**
拱元年閏五月先是翰林禮侍宋白知貢舉放進士程宿以下廿八人
諸科一百人榜既出而謗議鋒起或擊登聞鼓別試上意其遺才士寅
召下第人覆試於崇政殿得進士馬國祥以下及諸科凡七百人令樞
密院用白紙為牒賜之以試中為目令樞密知諸縣簿尉請樞密副使張
宏曰朕自即位以來親選貢士大者為棟梁小者為榱桷今封強萬里
人無棄材六月丁巳上既擢馬國祥等猶恐遺材復命古正言王世則

事詔下第進士及諸科於武成王廟重試得合格數百人丁丑士覆試
詩賦又拔進士葉齊以下三十一人諸科八十九人並賜及第。○**端**
拱二年三月庚寅知貢舉蘇易簡等固請御試壬寅上御崇政殿試合格
舉人得進士閻中陳堯叟晉江曾會等一百八十六人諸科孫何等四
百五十人並賜及第七十三人同出身賜宴始令兩制三館文臣皆預
賜堯叟等歲一旨勉以修身謹行稽古効官之意堯叟及會並授光祿
寺丞直史館第三以下分授職事州縣官越州進士劉少逸年十三中
選既與宴又則賜御題賦詩數章皆有趣授校書郎於三館讀書時
中書令史守當官陳貽慶舉周易舉究及第既而上知之令追奪所授
敕牒釋其罪勒歸本局謂侍臣曰科級之設待士流也豈容走吏冒進
竊取科名哉乃詔自今中書樞密院宣徵學士院京百司諸州繫職人
吏並不得離局應舉。又詔貢舉人試科業畢並令試讀律其有不能
離經辨句及呼字乖繆者皆駁放如能通念一部與十科及第是歲又
申明舉人並請本貫文解之制鄉里在聲教未通之地者許於兩京寄

應又貢舉人中有工賈雜類或被廢疾及曾惟刑責不得薦送其雜類
中有茂材異等卓然秀出者許之

真宗淳化元年三月詔權停貢舉。淳化二年吏部呂蒙正以為取士
之門無出貢部天下解薦頗失精研望條制以懲謬濫上曰取士擇才
國之令典不可不謹。淳化三年正月丙申朔諸道貢舉人萬七千
三百皆集缺下辛丑命蘇易簡等同知貢院既受詔徑赴貢院以避請
求後遂為常制三月戊戌上御崇政殿覆試合格進士先是胡旦蘇易
簡王世則梁顥陳堯叟皆以所試先成擢上第由是士爭習浮華尚敏
速或一刻數詩或一日十賦將作監丞陳靖上疏請糊名考校以革其
弊上嘉納之詔兩省三館文學士始令糊名考校第其優劣以分等級
得孫何以下凡三百二人並賜及第五十一人同出身上諭之曰爾等
各負志業中我廷選初官之外更勵精文翰勿墜前功也何等旅拜辛
丑又覆試諸科擢七百八十四人並賜及第百八十八人出身就宴賜御
製詩三首歲一首進士孫何而下曰人皆授將作監丞大理評事通判

諸州餘及諸科授於事州縣官入謝於長春殿上謂宰相曰天下至廣
藉羣材共治之今歲登第者又千餘人皆朕所選擢此等但能自儉情
羨替而歸則馴致亨行未易測也時詔刻禮記儒行篇賜近臣及京城
朝官與在外者并以賜何等令為座右之誡初內殿坐書以賜御侍以
寵之至陳堯叟始易以箴用敦勉宗及孫何則詩箴並賜時論榮之內
出卮言日出無數見者駭異不能措詞頌率扣殿檻上請會稽錢易時
年七十已未中所試三題皆就言者指其輕俊特黜之。淳化四年三
月乙亥詔權停貢舉十二月辛丑詔三史及通禮科舊制各試三十場
今但試十五場每場今貢舉官取三卷發其端俾之詩能曉大義及識
奇字方為合格。至道二年三月丁卯是春詔權停貢舉。至道三年
五月壬午詔今歲貢舉宜令有司精校能否無或因循如覆試有不合
格者當行嚴罰每進士一百人許解二十人明經以下諸科共其一百
人解二十人如不及一百人亦約此數解送仍十分中只取二分仍須
合格有藝者不必依所定分數

會要云進士百人解二十九人恐九字誤特加詳考本志無此投孫
何九月壬午議云貢士親視十取其二然則進士及明經諸科每百
人各取二十人

舊制國子監開封府舉人有與發解官親戚者止兩司更互考試上慮
涉私徇情是秋特選官別試十月癸丑命錢若水等覆考開封府得解
進士試卷故事京府解十人已上謂之等甲非文業優贍有名稱者不
處時以高輔堯為首錢易次之易頗為流輩所推許車不平遂上書指
陳發解官所試朽索馭六馬賦又詩論策題意涉譏訕又進士數百輩
詣府訟薦送不當輔堯亦投牒遜避請以易為首開封府以聞上以為
士流紛競不可啓其端且欲鎮壓浮俗乃詔若水等擢文行京著者一
人為首乃以孫暨為第一輔堯第二易第三○咸平二年春正月乙丑
命禮部尚書溫仲舒知貢舉御史中丞張洙刑部郎中師頌同知貢舉
刑部員外郎董龜太常博士正涉同考試及封印卷首仍當日入院禮
部貢院封印卷首自此始三月癸亥詔今年舉人頗眾若依去年人數

取合格者慮有所遺可增及七十人諸科增及百八十人禮部尋以孫
暨等二百五十人名聞並賜及第五月丙戌詔天下貢舉人應三舉者
今歲並免取解自餘依例舉選必求實藝無使遺賢高竛奏各朕親臨
試○咸平三年三月辛亥翰林王旦等三人權知貢舉三月戊寅詔禮
部所試合格舉人有權要親族者具名以聞禮部上合格舉人甲午上
御崇政殿親試命翰林宋白等與館閣王府三司官二十一入於殿後
西閣考覆國子博士雷說著作佐印梅詢封印卷首親覽入等者賜陳
堯咨以下二百七十一人進士及第一百四十三人同本料又三傳學
究出身堯咨堯叟第也又命翰林邢昺等十五人考校諸科得四百三
十二人賜及第同出身又試進士五舉諸科八舉及嘗經御試或年踰
五十者論一篇得進士二百六十人諸科六百九十七人賜同出身及
試校書郎將作監主簿賜宴日以御詩褒寵之以堯咨等五人並為將
作監丞通判第一等并九經為大理評事知大縣第一等為節察防團
推官餘為判司簿尉試御者守選四月戊辰詔自今兩京諸路所解舉

人宜先察訪行實或藝文可採而操履有虧伎書匿名冒濫欺罔之類
並嚴加懲斷勤歸鄉縣課役求不得就本貫收試解送所由官吏必當
論罪仍御史糾之五月辛卯詔曰去歲天下舉人數踰萬計考覈之際
冒濫居多蓋其薦送之時輒容僥倖合申典憲以儆官司自今監有解
薦及遺落孤寒藝實之士並從覆試有不當者忠論如律與子詔權罷
貢舉一年。先是詔劉蒙叟等誠河北青齊等州舉人得合格者五百
八十二人上親試之賜進士齊革等十三人諸科三百四十五人及第
同出身有下第求試武藝及量材錄用者五百餘人各賜表錢慰遣之
命禮部叙為一舉若能捍寇即賞以官秩。咸平五年三月己未上親
試禮部舉人得進士王曾以下三十八人九經諸科百八十一人並賜
及第先是貢舉人集缺下者萬四千五百六十二命吏部陳恕知貢舉
恕所取士甚少以王曾為首糊名考校曾復得甲科時議稱之舊制試
經科復舊場第始議進退恕初試一場即披通不六留之以是諸州舉
送官吏皆被黜責譴累者甚衆江西南恕鄉里所斥無多人用恕諱親為

諫詠譏刺或刻木像其首塗血御於庭又縛筆為人題惡姓名列置側
路過輒鞭之。景德二年正月癸亥命翰林趙安仁等五人權知貢舉
三月甲寅上御崇政殿親試禮部奏名舉人得進士李迪以下二百四
十六人第為五等第一二三等賜及第第四五等同出身又得特奏名
五舉以上一百一十一人第為三等賜同進士三傳學究出身翌日試諸
科得九經以下五百七十一人第為三等並賜本科及第出身同出身又
得特奏名諸科三禮已下七十五人第為三等賜同學究出身授試御
官

此據會要與實錄數畧不司按七月戚綸奏是年諸道進士僅三千
人諸科萬餘人

上謂宰相曰昨親閱考官所定試卷意其入末等者過多即別令詳考
往往合格比緣臨試多士糊名被覆務於精當而考官不論朕意過抑
等第欲自明絕私甚無謂也迪與賈逵皆有聲場屋及禮部奏名而兩
人皆不與考官取其文觀迪賦落韻邊論當仁不讓於師師哀與注疏

老學庵筆記卷二十六
異特令就御試參知政事王旦議落韻者失於不詳審耳捨注疏而立
異論趣不可許恐士從今放蕩無所準的遂取迫而黜邊夏四月丁酉
樞密直學士劉師道責授忠武行軍司馬知制誥陳堯咨責授單州團
練副使先是師道第幾道舉進士禮部奏名將廷試近制悉糊名校等
堯咨為考官教幾道於卷中密為識號幾道既擢第或告其事詔落籍
永不預舉五月己未先是詔禮部貢院別試河北貢舉人其曾接城者
進士雖不合格特許奏名諸科例進二場至二場者許終場五舉及經
御試并年五十者並以名聞雖不更城中應此舉年六十及瀛州有勞
効者亦如之庚申上御崇政殿親試凡七日得進士范昭等五十一人
賜及第四十五人出身諸科賜及第同出身特奏名進士諸科賜及第
出身至攝助教隸殿侍者六百六十一人上以去歲河北用兵民甚驚
擾其乘威揮寇奮勇力者多出士人欲廣示甄采所問經義有兩以者
或其引為對考官將然夫上親為發明焉特奏名進士李正辭論文武
先後以為文者本乎靜武者本乎動動以止亂而至乎靜則先後可知

上嘉其近理將權上第會有言其寔化杖刑遂補三班奉職六月丁丑
朔詔應進士科舉同出身試將作監主簿者並令守選故事登科皆選
限近制及第即命以官。咸平三年初郊庭試賜出身者亦免選至是
策名之士尤衆多設等級以振淹滯雖藝不及格悉賜同出身試秩解
褐故令有可循用常調以示甄別又下詔勸學權傳貢舉二年特命兩
制各撰勸學詔趙安仁所作最切於科試之病特俾用之七月丙子待
制戚給與禮部貢院上言今歲諸道進士僅三千人諸科萬餘人其十
文理紕繆經義十不九不者甚衆苟非特行約束必恐益長因循又慮
官吏坐此殿罰因而避事全不薦人載惟取士之方今垂經遠之制今
請諸色舉人各歸本貫取解不得寄應及權買甲產立戶諸州取發寄
應舉人長吏以下請依解十不入例科罪其開封府委官吏覺察犯者
罪如之鄉里遐遠久住京師者許於國子監取解仍須本鄉命官委保
判監司驗乃得附學發解曰奏請差官考試近年進士多務澆淳不務
實學惟鈔畧古今文賦懷挾入試昨者庭試以正經命題多情所出舊

勅止許以篇韻入試今請除官韻畧外不得懷挾書策令監門巡捕官
 潛加覺察犯者即時扶出仍殿一舉咸平初詔旨進士就試不許繼
 燭每歲貢院雖預榜示然有達曙未出者今請除書案外不將茶厨蠟
 燭等入如酉後未就者駁放之仍請戒勵專習經史自今開封府國子
 監諸路州府據秋賦投狀舉人解十之四如藝業優長或荒繆至甚則
 不拘多少開寶通禮義纂請改為義疏今後通禮每場問本經四道義
 疏六道六通為合格本經二義疏通三亦同今歲秋賦止解舊人新人
 且令習學西川廣南舊取解舉人並許免解今後及第三史通禮三禮
 三傳除官日比學究明法望授月奉多處貴存激勸上以分數至少約
 束過嚴恐阻仕進之路乃詔兩制知貢舉官同詳定以聞於是翰林晁
 迥等上議令諸州約數解送或自來學子止有二兩人者欲聽全解或
 其間才業卓然不群者別以名聞南省引試前一日分定坐次榜名曉
 諭勿容移徙遠人無籍者令召命官保識就京府取解文武陞朝官嫡
 親許附國學先寄應令還本貫者不得叙理前舉尚書周易學究明法

經業不廣宜各問疏義六道經注四通六通為合格三禮三傳所習浩
 大精熟尤難請問經注六道疏義四道以疏通三以上為合格餘如威
 綸等條奏從之十二月己卯禮部貢院言昨詳進士所納考卷多假借
 他人文字或用舊卷裝飾重行或為庸書人易換文本是致考校無準
 請自今並令舉人親自投納仍於試紙前親書家狀如將來程試與公
 卷全異及所試文字與家狀書不同並駁放之或假用他人文字辨認
 彰露即依例扶出永不得赴舉其知舉官亦望先一月差入貢院考校
 公卷分為等第如事業殊異者至日更精加試驗所冀抱藝者不失搜
 羅操進者難施偽濫又言尚書周易學究近年并為一科欲請試本經
 日每十道而二經各問五道仍雜問疏義五道經注五道以為定式向
 來明法止試六場請依尚書例試七場第一場第二場試律第三場試
 今第四場第五場試小經第六場試今第七場試律仍於試律日雜問
 疏義五道三禮三傳經業稍大難為精熟請每十道義中問經注六道
 疏義四道以六通及疏通二經注通三為合格詔翰林學士邢昺與國

子監官同議可否烏等言尚書周易學究明法經籍不多望名聞疏義
六道經注四道六通者為合格其三禮三傳請如貢院所奏並從之。
景德三年二月己卯詔貢舉人因事殿舉及求不得入科場非被杖者
並許復應舉。景德四年冬十月乙巳翰林學士晁迥等上考試進士
新格詔頒行之初陳彭年舉進士輕俊喜誇主司宋白知貢舉惡其為
人黜落之彭年憾焉於是更定條制多意白舊事而設關防所取士不
復揀擇文行正較一日之藝雖杜絕請託然置甲等者或非人望自彭
年始也十二月壬寅先是上嘗問輔臣以天下貢舉人數王旦曰萬三
十有餘約常例奏名十一而已上曰若此則當黜者不啻萬人矣典領
之臣必須審釋晁迥兢畏當以委之周趙王曾陳彭年皆可參預極曰
封印卷首若朝廷遣官主之於理亦須允宜用素有操守之人旦曰滕
玄晏於士大天間少交遊上曰今當以宋巽代周起知舉令起與玄晏
同掌封印事於是命翰林晁迥知制誥宋巽王曾陳彭年同知貢舉既
受詔上諭以取士之意務在至公推寒進有藝者又命監察御史嚴頤

張士遜監貢院門喬頴鄭彝陳既濟巡試鋪任隨陳羣點檢進士程試
馬龜符等交考較諸科程試又命滕玄晏封印舉人卷首用奉使印李
道監封印院門進士諸科試卷首送知舉官考校仍頒其式知舉官既
考定等級復令封進入送覆考所考畢然後參校得失凡禮部封印卷
首及點檢程試別命官皆始此乙巳詔諸科舉人皆理場第自今不合
格者須至復場方得落下癸丑先是上降詔榜下禮部貢院序所以杜
絕私請搜揚寒秀之意舉人見者咸喜丙辰上與王旦等言及之旦等
曰昨頒考校新格周行中頗有論議且言中書不能守科場大體但疑
春官有私及詔榜出天下士乃知陛下務盡至公恐多遺材故更此條
貫也

群書考索卷三十六



